



Na osnovu Zakona o mladima Federacije BiH („Službene novine Federacije BiH“, broj: 36/10), Budžeta Grada Lukavac za 2026. godinu („Službeni glasnik Grada Lukavac“, broj: 15/25), člana 22. Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Programa utroška sredstava transfera Službe za društvene djelatnosti i upravu Grada Lukavac za 2026. godinu („Službeni glasnik Grada Lukavac“ broj 1/26), Pravilnika o kriterijima za dodjelu stipendija učenicima i studentima sa prebivalištem na području grada Lukavac („Sl. glasnik Grada Lukavac“, broj: 08/23, 03/24, 04/25), Pravilnika o kriterijima za dodjelu stipendija učenicima i studentima uspješnim sportistima sa prebivalištem na području grada Lukavac („Sl. glasnik Grada Lukavac“, broj: 8/23), Odluke o dodjeli stipendija učenicima i studentima sa prebivalištem na području grada Lukavac za 2026. godinu („Službeni glasnik Grada Lukavac“ broj: 4/26), Gradonačelnik Grada Lukavac, objavljuje

JAVNI POZIV

za dodjelu stipendija učenicima, studentima, i učenicima studentima uspješnim sportistima sa prebivalištem na području grada Lukavac

I

- (1) Objavljuje se javni poziv za dodjelu stipendija za školsku/akademsku 2025./2026. godinu (budžetsku 2026.).
- (2) U svrhu stipendiranja uspješnih učenika i studenata iz Budžeta Grada Lukavac za 2026. godinu, potrošačka jedinica 05, ekonomski kod 614 234 „Isplate stipendija“, izdvojit će se novčana sredstva u visini od 134.550,00 (stotintridesetčetirihiljadeipetstopedeset KM i 00/100 pfeninga):

81 (osamdesetjedna) učeničkih stipendija

71 (sedamdesetjedna) studentskih stipendija

12 (dvanaest) stipendija uspješnim sportistima učenicima sa prebivalištem na području grada Lukavac u kolektivnim sportovima

12 (dvanaest) stipendija uspješnim sportistima učenicima sa prebivalištem na području grada Lukavac u individualnim sportovima

5 (pet) stipendija uspješnim sportistima studentima sa prebivalištem na području grada Lukavac u kolektivnim sportovima

5 (pet) stipendija uspješnim sportistima studentima sa prebivalištem na području grada Lukavac u individualnim sportovima

8 (osam) stipendija učenicima sa invaliditetom

8 (osam) stipendija studentima sa invaliditetom



II

- (1) Stipendije se dodjeljuju za vrijeme trajanja jedne školske/akademske godine, tj. za 9 mjeseci jednokratno i iznose:
 - za učenike srednjih škola i učenike uspješne sportiste 50,00 KM (pedeset KM) po mjesecu,
 - za studente, studente uspješne sportiste, studente i učenike osnovnih i srednjih škola sa invaliditetom i učenike generacije srednjih škola 100,00 KM (stotinu KM) po mjesecu.
- (2) Sredstva za stipendije i iznosi za stipendije mogu biti veća, te će se ista povećati Odlukom Gradonačelnika o preraspodjeli ukoliko bude raspoloživih sredstava u Budžetu.
- (3) Pravo na dodjelu stipendija imaju:
 - Učenici srednjih škola sa područja grada Lukavac
 - studenti I i II ciklusa studija (redovni i redovni samofinansirajući sa akreditiranih univerziteta u Bosni i Hercegovini i inostranstvu). Institucionalna akreditacija fakulteta u BiH će se utvrditi uvidom u evidenciju nadležne agencije za akreditiranje visokoškolskih ustanova u BiH. Institucionalna akreditacija fakulteta u inostranstvu dokazuje se uvjerenjem visokoškolske ustanove koju dostavlja student,
 - Učenici sa invaliditetom osnovnih i srednjih škola i studenti sa područja grada Lukavac
 - učenici uspješni sportisti osnovnih i srednjih škola i studenti sa područja grada Lukavac
- (4) Stipendije se dodjeljuju na osnovu uspjeha ostvarenog u školskoj/akademsnoj 2024./2025 godini.

III

- (1) Pravo na dodjelu stipendija bez bodovanja ostvaruju učenici generacije za školsku 2024./2025. godinu iz osnovnih i srednjih škola sa područja grada Lukavac i studenti sa područja grada Lukavac sa prosječnom ocjenom 9 (devet) i više.
- (2) Učenici generacije koji taj status steknu u školskoj 2025./2026. godini pravo prijave na javni poziv, po osnovu statusa učenika generacije, ostvaruju u sljedećoj budžetskoj godini.
- (3) Stipendija učenicima generacije srednjih škola će biti u istom iznosu kao i studentske stipendije.
- (4) Apsolventi nemaju pravo na dodjelu stipendije.
- (5) Stipendije se dodjeljuju ravnomjerno po razredima, grupama, odnosno godinama studija. Ukoliko iz jednog razreda ili godine studija nema dovoljan broj kandidata, stipendije će se dodijeliti učenicima/studentima drugih razreda/godina studija/kategorija, ravnomjerno po razredima, odnosno godinama studija.

IV

- (1) **Opšti uslovi za dodjelu stipendija učenicima i studentima su:**
 - da je kandidat državljanin BiH,
 - da kandidat ima prebivalište na području grada Lukavac,
 - da je kandidat redovan učenik/student koji je prvi put upisan u tekuću školsku/akademsku godinu,
 - da nije korisnik stipendije iz budžeta bilo kojeg nivoa vlasti,
 - za učenike prosjek ocjena 4,00 i više i za studente prosjek ocjena 7,00 i više, izuzev ukoliko se radi o učeniku i studentu sa invaliditetom prosjek može biti niži,

- da kandidat nije stariji od 30 godina i da nije u radnom odnosu.

(2) Uz prijavu na javni poziv za dodjelu stipendija, kandidati su dužni priložiti:

- zahtjev za dodjelu stipendije,
- uvjerenje o državljanstvu,
- kućna lista,
- ovjerena Izjava da kandidat nije korisnik stipendije ili naknade po drugom osnovu iz Budžeta bilo kojeg nivoa vlasti,
- uvjerenje o mjestu prebivališta - CIPS obrazac,
- potvrda škole/fakulteta o statusu redovnog učenika/studenta,
- za učenike I (prvog) razreda srednje škole, svjedočanstvo o završenom devetom razredu i uvjerenje o prosjeku ocjena,
- za učenike ostalih razreda srednje škole, svjedočanstvo o završenom prethodnom razredu i uvjerenje o prosjeku ocjena,
- za studente I (prve) godine fakulteta, svjedočanstvo o završenom razredu srednje škole i uvjerenje o prosjeku ocjena u završnom razredu,
- za studente ostalih godina fakulteta, uvjerenje o prosjeku ocjena iz prethodne godine studija,
- za studente drugog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija sa izvedenom prosječnom ocjenom ,
- za studente drugog ciklusa studija dokaz da nisu u radnom odnosu (uvjerenje nadležne službe za zapošljavanje ili nadležne poreske uprave ukoliko lice nije prijavljeno na evidenciji službe za zapošljavanje),
- za studente I i II ciklusa studija rodni list (ne mora biti ovjerena kopija),
- dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plate; za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za prethodnu godinu; za penzionere kopija posljednjeg čeka od penzije; za nezaposlene uvjerenje nadležne službe za zapošljavanje; za nezaposlene koji nisu na evidenciji Službe za zapošljavanje uvjerenje nadležne porezne ispostave o statusu osiguranja; za redovne učenike/studente uvjerenje o statusu učenika/studenta; za članove domaćinstva mlađe od 6 godina koji ne pohađaju osnovnu školu, kopija izvoda iz matične knjige rođenih, bez dodatnog ovjeravanja i neovisno od datuma izdavanja),
- Za članove domaćinstva koji imaju dodatne prihode pored redovnih primanja (naknade po ugovoru o djelu, prihode od zakupnina, paušale, prihode ostvarene od poljoprivredne djelatnosti, dopunskog rada, i druga dodatna primanja), dostaviti Obrazac GPD-1051 Godišnje prijave poreza na dohodak zaprimljen od strane poreske uprave za prethodnu godinu. Isto važi i za privatne poduzetnike. Za primanja po propisima o boračko-invalidskoj zaštiti i zaštiti civilnih žrtava rata, materijalnu naknadu za vrijeme nezaposlenosti, naknadu po osnovu alimentacije, dostaviti relevantne dokaze.
- Ovjerena Izjava da članovi domaćinstva nemaju dodatne prihode od već navedenih u prijavi na javni poziv,
- uvjerenje o pripadnosti nekoj od boračkih kategorija,
- uvjerenje Centra za socijalni rad o priznavanju statusa civilne žrtve rata ili statusa korisnika stalne socijalne pomoći ,
- učenici osobe sa invaliditetom su obavezni dostaviti Rješenje o stepenu invalidnosti od „Centra za socijalni rad“,
- za aplikante bez jednog ili oba roditelja dostaviti smrtni list,

- potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (NE DOSTAVLJATI KOPIJU RAČUNA).
- Ovjerena Izjava o korištenju ličnih podataka (u skladu sa Zakonom o zaštiti ličnih podataka BiH (Službeni glasnik BiH, broj: 12/25).

(SVE DOKUMENTE POTREBNO JE DOSTAVITI SLOŽENE I NUMERISANE REDOSLIJEDOM KAO U PRIJAVI).

(3) Ukupan prihod domaćinstva čine prihodi koje članovi domaćinstva ostvaruju na temelju:

1. plaća i drugih primanja iz radnog odnosa;
2. starosne, invalidske i obiteljske mirovine;
3. poljoprivredne djelatnosti;
4. primanja po propisima o boračko-invalidskoj zaštiti i zaštiti civilnih žrtava rata;
5. prihodi ostvareni na temelju imovinskog prava;
6. dopunskog rada;
7. Materijalna naknada za vrijeme nezaposlenosti;
8. Naknada po osnovu alimentacije.

(4) Prihodom od poljoprivrednih djelatnosti, u smislu stava 2. tačka 3. ovog kriterija, smatra se katastarski prihod iz prethodne godine koji se dijeli sa 12 mjeseci i s brojem članova domaćinstva.

(5) Prihodom ostvarenim po temelju imovinskog prava, u smislu stava 2. tačka 5. ovog kriterija, smatra se prihod ostvaren prodajom imovine ili davanjem u zakup ili najam.

(6) Prihodom u smislu stava 2. ovog kriterija ne smatra se lična invalidnina, novčana naknada za pomoć i njegu od strane drugog lica, ortopedski dodatak, stalna novčana pomoć, dodatak na djecu i stipendije učenika i studenata.

(7) Ukoliko dokumenti za dokazivanje ovog kriterija ne budu relevantni, odnosno ukoliko se utvrde neregularnosti u vezi dokazivanja ovog kriterija, kandidat neće ostvariti pravo na bodove po ovom osnovu.“

V

(1) Opšti uslovi za dodjelu stipendija učenicima i studentima uspješnim sportistima:

- da je kandidat državljanin BiH,
- da kandidat ima prebivalište na području grada Lukavac,
- da je kandidat redovan učenik/student koji je prvi put upisan u tekuću školsku/akademsku godinu,
- da nije korisnik stipendije ili naknade po drugom osnovu iz budžetskih sredstava,
- da je aktivan član sportskog kolektiva i da je aktivan i uzoran sportista sa zapaženim rezultatima za prethodnu godinu,
- da kandidat nije stariji od 30 godina i da nije u radnom odnosu.

Stipendija u kategoriji sportista, može biti dodijeljena samo jednom učeniku sportisti, odnosno jednom studentu sportisti iz iste porodice.

(2) Uz prijavu na javni poziv za dodjelu stipendija sportistima, kandidati su dužni priložiti:

- zahtjev za dodjelu stipendije
- uvjerenje o državljanstvu
- kućna lista
- ovjerena izjava da kandidat nije korisnik stipendije iz budžeta bilo kojeg nivoa vlasti,
- uvjerenje o mjestu prebivališta - CIPS obrazac,
- potvrda škole/fakulteta o statusu redovnog učenika/studenta, sa prosjekom ocjena prethodne školske/akademske godine
- uvjerenje sportskog kolektiva da je aktivan i uzoran sportista sa navedenim rezultatima za prethodnu godinu, (Obrazac 5 - uvjerenje kluba o sportskim rezultatima)
- potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (NE DOSTAVLJATI KOPIJU RAČUNA).
- Ovjerena Izjava o korištenju ličnih podataka (u skladu sa Zakonom o zaštiti ličnih podataka BiH (Službeni glasnik BiH, broj: 12/25).

(SVE DOKUMENTE POTREBNO JE DOSTAVITI SLOŽENE I NUMERISANE REDOSLIJEDOM KAO U PRIJAVI).

VI

Uz prijavu na javni poziv za dodjelu stipendija učenicima generacije i studenti sa prosjekom ocjena 9,00 i više prilažu sljedeće dokumente:

- zahtjev za dodjelu stipendije
- ovjerena izjava da kandidat nije korisnik stipendije iz budžeta bilo kojeg nivoa vlasti,
- uvjerenje o mjestu prebivališta - CIPS obrazac,
- potvrda škole/fakulteta o statusu redovnog učenika/studenta,
- dokaz kojim potvrđuje da pripada jednoj od dvije navedene kategorije: za učenike generacije uvjerenje da je proglašen učenicom generacije, a za studente uvjerenje o prosjeku ocjena
- Kućnu listu
- potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (NE DOSTAVLJATI KOPIJU RAČUNA).
- Ovjerena Izjava o korištenju ličnih podataka (u skladu sa Zakonom o zaštiti ličnih podataka BiH (Službeni glasnik BiH, broj: 12/25).

(SVE DOKUMENTE POTREBNO JE DOSTAVITI SLOŽENE I NUMERISANE REDOSLIJEDOM KAO U PRIJAVI).

VII

- (1) Javni poziv ostaje otvoren 15 (petnaest) dana od dana objavljivanja, a isti će biti objavljen na oglasnoj ploči i web stranici Grada Lukavac.
- (2) Komisija za dodjelu stipendija razmotrit će pristigle prijave na javni poziv, sačiniti zapisnik o radu, izvršiti bodovanje i utvrditi privremenu rang listu kandidata koji ispunjavaju uslove propisane javnim pozivom.
- (3) Privremena rang lista kandidata za dodjelu stipendija objavljuje se na oglasnoj ploči i web stranici Grada Lukavac.

- (4) Na privremenu rang listu može se izjaviti prigovor drugostepenoj Komisiji Gradskog vijeća u roku od 8 (osam) dana od dana objavljivanja iste.
- (5) Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.
- (6) Nakon rješavanja prigovora, Gradonačelnik će utvrditi Konačnu rang listu kandidata za dodjelu stipendija, koja se objavljuje na oglasnoj ploči i web stranici Grada Lukavac.
- (7) Isplata finansijskih sredstava predviđenih Budžetom Grada Lukavac, vršit će se na osnovu Odluke koju donosi Gradonačelnik, na prijedlog nadležne službe.

VIII

- (1) Neblagovremene i nepotpune prijave neće se uzeti u razmatranje.
- (2) Pitanja u vezi sa javnim pozivom se mogu postaviti putem e-mail adrese zeljko.zombra@lukavac.ba sa naznakom - za objavljeni Javni poziv za dodjelu stipendija, na broj telefona 035/366-737 ili lično u kancelariji br. 23.
- (3) Prijave na javni poziv sa dokumentacijom dostaviti na adresu:

**Grad Lukavac – Gradonačelnik
Komisija za dodjelu stipendija
Trg Slobode br. 1, 75300 Lukavac**

ili lično u šalter sali Grada Lukavac (šalteri 8 i 9), svakim radnim danom od 07 – 15:30.

Broj: 02-34-1090/26
Lukavac, 13.04.2026. godine

Obrađivač: Ž.Zombra

POMOĆNIK GRADONAČELNIKA

Mirela Bubić, dipl. pravnik

GRADONAČELNIK

dr. sc. Edin Delić

Dostaviti:

1. Služba za društvene djelatnosti i upravu 2x,
2. Evidencija,
3. Oglasna ploča 2x,
4. a/a